



Na osnovu člana 2.9 stav (1) tačka 11. i člana 5.29 Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 76. sjednici, održanoj 15.12.2025. godine, donijela

ODLUKU
o utvrđivanju i objavljivanju rezultata prijevremenih izbora
za predsjednika Republike Srpske

Član 1.

Centralna izborna komisija Bosne i Hercegovine utvrđuje i objavljuje rezultate prijevremenih izbora za predsjednika Republike Srpske, održanih u nedjelju dana 23. novembra 2025. godine i odgođenih izbora održanih dana 30. novembra 2025. godine na biračkom mjestu 068B005 Korićani, Izborna jedinica Kneževo.

Član 2.

Sastavni dio ove Odluke, je tabelarni prikaz rezultata glasanja za prijevremene izbore iz člana 1. ove Odluke, po biračkim mjestima, političkim subjektima i kandidatima.

Član 3.

(1) Nakon utvrđivanja i objavljivanja rezultata prijevremenih izbora, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od 72 sata od dana utvrđivanja i objavljivanja rezultata prijevremenih izbora iz člana 1. i 2. ove Odluke, na način, u formi i pod uslovima kako je propisano odredbama člana 5.30 Izbornog zakona Bosne i Hercegovine, kao i prigovor na tačnost objavljenih rezultata izbora u roku 24 sata.

(2) Zahtjev za ponovno brojanje glasačkih listića i prigovor na objavljene rezultate podnosi se putem faks aparata na broj 033/251-329, elektronskom poštom na e-mail adresu kontakt@izbori.ba ili neposredno u sjedištu Centralne izborne komisije Bosne i Hercegovine, Ulica Danijela Ozme broj 7, Sarajevo.

Član 4.

Ova Odluka, stupa na snagu danom donošenja i objavit će se **15.12.2025. godine u 17.00 sati**, na internet-stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove Odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove Odluke.

Žalba se podnosi putem Centralne izborne komisije BiH i dostavlja se na isti način kako je utvrđeno u članu 3. stav (2) ove Odluke, za dostavljanje zahtjeva za ponovno brojanje glasačkih listića i prigovora.

Broj: 05-1-07-1-1194-1/25
Sarajevo, 15.12.2025. godine



Predsjednik
J. Kalaba
Jovan Kalaba